

賢愚因緣經卷第八

盤八

元魏沙門惠覺在高昌郡譯

蓋事因緣第三十八

如是我聞一時佛在羅閱祇竹林精舍慧命阿難竹林中坐心自思惟如來出世甚奇甚特今諸弟子蒙佛恩澤於四供養無所乏少各獲安隱得盡苦際一切世間諸王臣民亦得大利遭值三寶人民安樂皆悉思惟世尊威勢所致作是念已從坐處起來詣佛所介時世尊爲四部衆廣說妙法慧命阿難前整衣服偏袒右肩右膝著地長跪合掌向佛自說林中所念佛告阿難汝所言如來出世實復奇特令一切衆生皆獲利益復次阿難如來正覺非但今日祐利衆生過去世時亦復利益阿難白佛不審世尊過去世中饒益衆生其事云何佛告阿難過去父遠阿僧祇劫此閻浮提有四河水二大國王一名曰婆羅提婆_{晉言}梵天獨據三河人民熾盛然復俾弱

一王名曰罰闍建提_{晉言}聚金唯得一河人民亦少然其國人悉皆勇健時金剛聚處于正殿獨坐思惟如我今者兵衆勇悍而所獲水少彼國儻弱獨霸三河今當遣使和索一河若與我者共爲親厚國有好物更相貢贈若有艱難共相赴救若其不得便當力逼而奪取之作是念已召諸大臣共議此事諸臣或言今正是時即遣驛使至梵天國具以王意宣示梵王梵王聞此復自思惟我國豐寶人衆亦多又此國界父王所有轉用授我至力量諍我不下彼作是念已報彼使言今此國土非我所得乃是父王轉用見授如我今者力不減汝汝欲力決我不相畏使還本國具以聞王王即合軍攻梵天國共戰一交梵天軍壞乘背追躡逕至城邊衆人怖縮更不敢出諸臣相將悉共集會諸梵王所咸皆同心致此敗如是不父懼恐失國唯願開意以一

河水與之共爲親厚足得安全王心便迴可
衆臣意即時遣使至彼軍中白其王言我曹
比國用作惡爲所索河水今以相與我當以
女爲汝夫人國有異物更相貢贈急難危嶮
共相赴救時金剛聚從其來意即迎其女拜
爲夫人各共和解迴軍還國經於數時其王

盤八

二

夫人便覺有胎懷妊之後恒有自然七寶大
蓋當在身上坐卧行立終不遠離至滿十月
生一男兒身紫金色頭髮紺青光相暎著世
之少雙兒以出胎蓋在其上召諸相師令相
此兒相師披看舉手唱言善哉善哉異口同
音白大王言今觀太子德力無比人相具足

盤六

三

世之希有王及羣臣喜不自勝即告相師爲
其立字爾時國法依於二事而爲作字一者
瑞應二者星宿相師白王今此太子入胎已
來有何等瑞王答之曰有七寶蓋恒在其上
便爲作字字刻羅伽利蓋事以衆妙供隨時
承奉年至成人父便命終葬送畢竟小王臣

民共立蓋事用爲大王治政數年出外遊觀
見諸人民耕種勞苦問左右曰我國人衆何
以作此種種役使臣答王言國以民爲本民
以穀爲命若其不余民命不存民命不存國
則滅矣王便言曰若我福相應爲王者今我
民衆獲自然穀莫復作此發言已竟一切人
民倉簾自滿種種雜穀隨意悉有又經數時
復出外遊見其國人採薪汲水舂磨作役又
問臣言今諸人衆故復勞苦何以余耶臣白
王言蒙王恩澤獲自然穀生食事須成
熟是以庶民辦作食調王復言曰若我福德
相爲王者令吾國內一切人民若欲食時有
自然食恒在其前發言已訖合境皆獲自然
之食又復經時更出遊觀見人忽忽各執所
務紡織裁縫辦具衣調王問臣言此諸人等
何以故余辛苦執作臣白王言蒙大王恩獲
自然食今者作役辦具衣裳王復言曰若我
福德應爲王者使吾國內一切樹木出自然

衣適發此語國中諸樹皆出妙衣極爲細軟青黃赤白隨人所好又經數時王復出遊見於人民各各競共作諸樂器王復問臣我國人民何以故爾勞煩執作臣白王言此諸人等蒙大王恩食自然各獲安隱事須妓樂用自娛樂是以今者治妓樂器王便言曰若

我有福應爲王者令我國中一切樹上皆有一種種樂器鼓貝琴瑟琵琶箜篌一切所須稱意悉有又經數時諸王臣民悉來拜賀值三食時時王即請留與飲食介時諸臣得王飲食百味具足咸共白王臣等家食其味薄少今得王食美味非凡王告之曰卿等臣民若

欲常得如我食者用吾食時食者皆得如是之食即勑司官吾食時到恒鳴大鼓令諸人民悉得聞知用我時食當得百味上妙之供從是已後食便鳴鼓一切人民承音念食百味上饌自然在前人民優樂不可具陳時王梵王遣使來至蓋事王國語蓋事言汝父在

時我以河水用與汝父汝父已終宜當還我時蓋事王報彼使曰我今境土及以河水亦非我力強從汝得然我爲王不勞民物此蓋小事宜停在後須我面與汝王相見乃當宣備國土之要使還到國一一白王王然其意剋日共期期日已滿二王俱進軍衆圍遼甚

多無數各安大營在河一邊二王乘船河中相見時王梵天初見蓋事身色晃曜如紫金山頭髮奕奕如紺琉璃其目廣長人中難有敬心內發謂是梵天到相問訊對坐一處談兩國土論索水事蓋事報曰我國人民所欲自然亦無貲輸王役之勞所言未訖食時已

盤八

四

至蓋事王軍鳴鼓欲食時梵天王甚以惶懼謂欲牽攝而取殺之怖不自寧起謝已過手足四布腹拍前地蓋事自起曉令還坐復語之曰大王何以恐怖如是我軍食時恒自鳴鼓所以尔者是我食時用我時食皆獲百味

願大王普見臨覆我及國人悉願降附令諸
民庶悉蒙恩澤於是蓋事典闇浮提一切人
民盡獲安樂登位之後處於正殿羣僚百官
宿衛侍立日初出時有金輪寶從東方來王
遇見之即下御座右膝著地向於輪所以手
三招輪已來至千輻具足光色炳著王告之
曰若我應作轉輪王者如法住處汝便住中
於是輪寶當在王前虛空中住其輪去地七
多羅樹象寶神珠王女典兵典藏等寶次第
來至時蓋事王七寶具足典四天下一切衆
生蒙王恩德所欲自恣王悉教令修行十善
壽終之後皆得生天佛告阿難爾時刹羅伽
利王者豈異人乎我身是也爾時父王罰闍
建提今現我父淨飯王是爾時母者今現我
母摩訶摩耶是我因往昔慈愍衆生恒以財
法而攝取之從是因緣自致成佛三界獨尊
無與等者以此義故一切衆生皆應修習大
慈潤益爾時阿難復白佛言不審世尊過去

世中刹羅伽梨轉輪聖王以何因緣獲如是
等無量功德初入母胎寶蓋隨覆佛告阿難
乃往過去久遠無量阿僧祇劫此間浮提波
羅捺國仙人山中有辟支佛恒於山中止住
時辟支佛患身不調往問藥師藥師語曰汝
有風病當須服乳時彼國中有一薩薄名曰
阿利那蜜羅晉言時辟支佛往告其家陳病
所由從其乞乳薩薄歡喜便請供養日給其
乳經於三月三月已竟身病得瘳感其善意
欲使主人獲大利益踊在空中坐卧行立身
出水火或現大身滿虛空中又復現小入秋
毫裏如是種種現十八變於是聖友極懷歡
喜復從空下重受其供經於數時乃入涅槃
薩薄悲悼追念無量耶旬其身收取舍利盛
以寶瓶用起鉢婆香華伎樂種種妙物持周
供養所捉大蓋以置其上盡其形壽供養此
塔由其供養一辟支佛四事供養因此福報
無量世中或生天上或處人中尊豪挺特世

之少雙又告阿難 一切衆生在家出家皆應修福生生之中獲如是利尔時阿難及諸會衆聞佛所說歡喜奉行

大施抒海緣品第三十九

如是我聞一時佛在羅闌祇者閻崛山中與尊弟子千二百五十人俱尔時世尊念須侍

者諸尊弟子憍陳如等各共觀察知佛所念時憍陳如從座而起偏袒右肩合掌長跪白佛貪得侍近捉衣持鉢唯願垂愍賜教聽許佛告之曰汝年老邁自須給侍何忍使汝復見供事時憍陳如知佛不聽禮已還坐摩訶迦葉舍利弗目捷連及諸弟子五百人等次第白佛皆求給侍佛皆不聽時阿那律試觀佛意見佛志趣心存阿難如日在東照于舍宅光從東牖直至西壁世尊志意亦復如是諸大弟子皆亦觀知時舍利弗及目捷連從坐處起到阿難前語阿難言世尊志意欲得於仁以爲侍者仁有善利獨蒙稱可宜速往

白求爲佛侍時賢者阿難見諸上座來到其前又聞其語尋起合掌白上座言世尊德重智慧深遠以我常近親侍奉事懼招罪尤自遺殃患舍利弗等復語之言今觀世尊專注致意欲得於仁以爲侍者如日初出照于室宅光從東牖直照西壁世尊注心亦復如是又復世尊究人情能知仁堪任是以留意宜時速白求爲侍者賢者阿難重得是語思惟是事靡知所如復更合掌白諸上座若令世尊賜我三願我乃堪任爲佛侍者何謂爲三對尊故衣勿與我著世尊殘食莫令我噉時節進現隨我裁量得此三願乃能侍佛舍利弗等聞是語已具以其事往白世尊佛聞此已告舍利弗諸弟子等阿難所以求索不著我故衣者阿難長慮恐諸弟子懷嫉妬者而生此心國王臣民諸檀越輦施佛貴價細軟之衣阿難貪此故求給事復索不敢我殘食者慮諸弟子復生此心如來鉢中所食之餘

甘美百味世無此食阿難耆故而來側近阿難所以索自裁量時節進現者慮諸弟子及外道衆來求進現有所難問不知時節儻相觸惱又爲侍者當候時節飲食所宜便身益體一一制度慮過見及是以先豫索此三願又復阿難不但今日索自知時過去世時奉

盤八

七

侍於我善知時宜時舍利弗重白佛言不審過去奉事於佛善知時宜其事云何佛告舍利弗汝欲聞者諦聽著心當爲汝說唯然世尊諾當善聽佛告舍利弗乃往過去無數無量阿僧祇劫有大國王領閻浮提八万四千小國八十億聚落王所住城名婆樓施舍於是城中有一婆羅門号尼拘樓陀聰明博達天才殊邈王甚宗戴師而事之八万四千諸小國王悉遙敬慕瞻仰所在四遠貢獻遣使諮詢承略而言之如奉大王於是婆羅門富敵王家但無子息可以紹繼出入坐卧每懷此愁不知何方可以得子即禱祀梵天天帝四

王摩醯跋羅及餘諸天日月星宿山河樹神種種禱祀無所不遍刻誠積報經十二年其大夫人便覺有身聰明女人能得知此自知所懷必是男兒即以情事白婆羅門婆羅門歡喜倍增怡躍即勑家內夫人采女悉共擁護夫人進止飲食牀薦極令細軟調適稱給莫違其意十月已滿便生男兒身紫金色頭髮紺青端正超異人相難有婆羅門見喜不自勝即召相師來共相之相師披觀歎未曾有此兒相好福德弘廣天下所贍如子賴母其父歡喜勑爲立字天竺作字依於二種或依星宿或依變異相師便問懷妊以來有何變異其父答言此兒之母素來忌惡少於慈順不修慈慧自懷妊來心性改異矜憐苦厄如母愛子志好布施無有貪惜相師聞之歡喜而言此是兒志故使然也當爲立字号摩訶闍迦樊晉大施其兒漸大父甚愛念別爲作

宮立三時殿冬溫夏涼春秋居中安諸妓侍

以娛樂之其兒聰明好樂學問誦持俗典十八部書文既通利并善其義學諸技術靡所不通其後大施白其父言久在深宮思欲出遊父聞此語即勑臣吏我子大施欲出遊行掃灑街陌除諸不淨豎諸幢幡散華燒香莊嚴道路極令淨潔施設辦已大施於是乘大

盤八

白象七寶校飾椎鍾鳴鼓作倡妓樂千乘万騎導從前後行大御道往詣城門於時國中人民之類於樓閣上夾道兩邊競共觀看無有厭足皆各言曰甚奇甚妙觀其威相猶如梵天轉復前行見諸乞兒著弊壞衣執持破器卑言求哀匱我少少大施見之而問之曰

盤九

汝等何以辛苦乃尔或有答言我無父母兄弟妻子貧窮孤惻無所恃怙或有答言我有長病不能作役自活無路或有答言我之不遇數遭破亡債負盈集身口所切無方自濟是以行乞以繼餘命大施聞已酸歎而去次復前行見諸屠兒剝畜生稍割稱賣大施

見問咄作何等各答言曰祖父已來屠殺為業若捨此事無以自濟大施歎息捨之而去次見耕者以犁墾地亟從土出蝦蟆拾吞復有蛇來吞食蝦蟆孔雀飛來啄食其蛇大施問之此作何等答言墾地於中下種後當得穀以自供養並復當得以輸王家大施聞已

深歎而去次復前行見諸獵者張網設置捕諸禽獸見諸禽獸墮罝網中自挽自頓不能得脫悲鳴相喚各懷怖懼大施見之何以作此各共答言我等唯仰獵殺為業若不為此存活無路聞其語已酸傷而去次復前行見捕魚師張設羅網所得甚多積著陸地趣能

九

動搖復問其故咄何以尔各前答言祖父已來無餘生業唯仰捕魚賣供衣食大施見已甚懷愍悼而自思惟是諸衆生皆由貧窮乏衣食故為此惡業殺害衆生歡喜極意壽終之後當歸三塗從冥入冥何其惟哉作是念已迴駕還宮思憶是事愁憂不樂往見其父

求索一願父語大施隨汝所求終不相違即自說言先日出遊覩彼人民以求衣食勞形役思殺害欺誰具諸惡業意甚矜憐思欲拯給唯願垂恩施我大藏聽自恣施濟衆所乏父告之曰我聚財寶盡爲汝故汝意欲余奈何相違兒得父教即勑宣下一切人民摩訶闍迦樊欲大檀施有所須者皆悉來取喝令已訖沙門婆羅門貧窮負債孤苦疾病諸城道路前後而去諸人民輩有從百里二三五百千里來者復從三千五千万里來者皆強弱相扶四方雲集一切給與滿其所願須衣與衣須食給食金銀七寶車馬輦輶園田六畜稱意而與如是布施經數時中諸藏之物三分已二時典藏吏往白其父摩訶闍迦樊自布施來藏物三分已施其二諸王信使當有往返願熟思惟後勿見責父聞吏語自思惟言吾愛此子不能拒逆寧復空藏何能中斷如是布施復經數時用殘藏物三分復二

吏復更白前所殘物三分之中已更用二諸王信使事須報遣今藏垂空願更重思時婆羅門而語吏言吾愛此子愛心隆厚未曾違失面折其意汝可方便假託因緣來求物時乍稱不在且令餘殘延引日月吏得語已即開藏戶小復他行乞兒來集至大施所大施將來詣吏求物其吏不在比行推覓經歷時節困乃得之雖復得物不稱時要大施自念今此小吏自力何敢不承受我將是父意故使余耳又人子之法不宜空竭父母之藏令其盡也今此藏中所殘無幾作是念已我當云何多得財寶用滿我意濟給羣生即問諸人今此世間作何事業可得多財用之難盡或有人言多種五穀修治園圃可得多財或有人言不避劇難遠出行估最得多財或有人言唯有入海採求珍寶最得多財大施聞此而自言曰耕種養畜遠出行估既非我宜得

利無幾唯有入海此計可從我當力勵來辦此事作是念已往白父母今欲入海求多珍寶還用施給濟民所乏唯願見聽得遂所志父母聞語驚而問言世人入海窮貧無計分棄身命無所顧戀汝有何事復欲習此若欲布施我家所有一切衆物及藏中殘盡令汝用莫入大海又復海中衆難甚多水浪迴波摩竭大魚惡龍羅刹水色之山如是衆嶮難可經過汝有何急投身此難我等命存終不相聽宜息汝意勿多紛紜大施聞此願不從心甚懷悒戚而自心念我今所願欲辦大事設復貪身事何由成以身布地伏父母前而

自言曰若必願留違我志願伏身此地終不復起父母聞此心懷惄然與諸內宮前諫諭曰海道遼遠嶮難事多往者甚衆來還者渺念我求子禱祀諸天精誠懇惻靡所不遍經十二年因乃從願適汝長大欲得捨我念棄此志還起飲食從一日二日至六日如是種種諫諭求曉其言如初執志不迴父母心懼自共議言此兒前後欲有所爲要令成辦未曾中退就令入海猶望還期今必拒遮到其七日交見其禍爲之奈何宜當聽去轉復在後言議已決俱來兒邊各捉一手而語兒言聽隨汝意起還就食大施聞此即起就飯飯食已訖即起出外廣行宣令告語衆人我今躬欲入海採寶誰欲往者可共俱進我爲薩薄自辦行具於時國中有五百人聞是令已僉然應命即辦所須剋定發日日到裝駕辭別趣道王與羣臣并其父母諸王太子臣民之類數千萬人送到路次各贈妙寶供道所須啼哭斷絕於是別去轉行數日止宿曠野值遇羣賊來欲伺盜菩薩憐愍即以所賣盡用勾輿轉前到城城名放鉢城中有婆羅門名迦毗梨於時大施往到其所欲從貸索三千兩金時婆羅門有一妙女身紫金色頭髮紺青端正絕世更無儔類八万四千諸小

國王皆爲太子求悉不許是時大施到其門中問迦毗梨欲共相見其女在內聞外語聲歡喜驚起語父母言在外語者斯是我聾時迦毗梨即出相見覩其色狀知必非凡聾其須金一切許給又復左手提金澡罐右手捉女語大施言今我此女容貌殊異諸王遣使各爲子求今覩薩薄端正相似請以此女用相奉侍大施答言我今方當涉難入海焉知能得安全還不預受君女此非所以迦毗梨言若令吉還當爲我受是時大施即許可之時迦毗梨歡喜便與三千兩金及餘所須於是共別轉前到海勑語賈人牢治其船令有七重候風以至推著海中以七張大索繫於岸邊便搖鈴唱令告衆賈人汝等皆聽海中之難黑風羅刹水浪洄渦惡龍毒氣水色之山摩竭大魚衆難甚多百伴入海時一安還誰欲退者可於此任索斷之後欲悔無及若能堅心不顧身命分捨父母兄弟妻子際遇

盤八

十三

安隱得七寶還者子孫七世食用不盡作是念已便斷一索日日如是七日復唱令已斷第七索望風舉帆船疾如箭普與衆賈到於寶所大施多聞明識諸寶輕重貴賤色貌好醜示諸賈客如是色寶致之不重價貴可取如是輩寶致重價賤各共莫取又復約勑取寶多少當令得中多則船重重則沉沒少雖船輕不補勞苦誠語已訖各勸採拾積著船上寶足裝嚴便欲來還於時大施不欲上船諸人悉集問具意故大施答言我欲前進至龍王宮求如意珠盡我身命不得不還衆賈聞此愁慘無聊各共白言我曹之等憑賴薩薄捐棄所重冒險至此冀望相因全濟還家今者云何欲見棄捨大施答言我當爲汝自誓求願令汝曹等安隱還國諸賈人聞心怖乃安大施導師手執香爐向於四方而自立誓我不憚勞涉海求珍用濟羣生飢乏之困合集此德用求佛道若我至誠所願當就令

此衆賈及船珍寶不逢惡難安全還國作誓已訖衆賈前抱導師手足涕泣愴恨辭別還國斷索舉帆還閻浮提皆蒙安隱得出大海與衆別後前入於水水可齊膝行經七日轉復前行其水漸深可齊於歧復經七日如是前進七日齊脣七日齊項七日恒浮到一山

盤八

十三

邊兩手捉木刺山而上經乎七日乃徹山頂於彼山上平行七日復還下山七日徹下到於水邊水中皆有金色蓮華有諸毒蛇其毒極盛悉以其身纏蓮華根菩薩見此即自端坐繫心攝念入慈三昧念諸毒蛇本生之時皆由瞋恚嫉妒倍盛故生此中受斯惡形極以慈心矜憐悲念慈心已滿彼諸毒蛇皆自除即起踏上行詣龍城見有二龍以身繞城交頭觸闕見於大施仰頭愕視大施尋時復入慈心龍毒便除低頭不視大施即前躡上而過城中有龍坐七寶殿遙見菩薩驚起自念今我城外七重塹中有毒蛇餘龍夜叉無敢妄越斯是何人能來至此即前迎問作禮

恭敬請令就座坐七寶牀種種美饍以用供養食已談語問其來意菩薩答言閻浮提人貧窮辛苦求於財寶供衣食故殺害欺誑具語來問欲何所至大施具答欲求如意寶珠羅刹歡喜而自念言此福德人去於龍宮其

道猶遠云何使此經涉辛苦我當接過於諸嶮難即時接去度四百由下乃還放地於是大施轉自前行見一銀城白淨皦然知是龍城歡喜往趣見其城外有七重塹諸塹中皆有毒蛇其毒猛盛視之可惡大施導師念諸毒蛇皆由前身慾害多盛故受如斯可惡

救濟積此功德誓求佛道若不拒逆唯見給與龍王答言旃陀摩尼難得之寶汝故遐嶮正來爲此若能開意留住一月受少微供因爲說法旃陀摩尼尔乃可得善薩可之龍王日日供設百味作諸娛樂供養善薩菩薩便爲具足分別四念處慧經一月竟辭當還去

盤八

古

龍王歡喜解髻寶珠以用奉上因而言曰大士慈普悲濟難及此志強猛必至佛道我願爲作智慧弟子善薩可之而問之言今汝此珠有何力能即答之言此珠能雨二千由旬一切所須善薩自念此珠雖快故未辦我曠濟大事諸龍大小送到門外重相辭謝於是別去轉復前行遇見一城純青琉璃其色清潔復前往趣其城外邊亦七重塗諸塗之中亦滿毒蛇菩薩見已念此諸蛇瞋姤所致故來此中受此毒形端坐入慈極加哀念慈心已盛毒皆得除徑蹈其上往趣城門亦見二龍以身纏城交頭門闡已見菩薩擎頭怒視

盤八

十五

菩薩尋時思惟慈心慈心已滿其毒復除便復低頭菩薩蹈過尔時城中有一龍王坐七寶殿遇見菩薩驚起自念計我城外七重蛇塗諸龍夜叉無能越者此是何人能來至此尋下迎問恭敬作禮請詣殿上坐七寶牀辦諸百味盛美飲食食竟徐徐談問所由菩薩因答故來之意唯欲求乞旃陀摩尼龍王白言旃陀摩尼甚爲難得苟欲得者願受我請二月住此并見開示菩薩之行龍王供設種種飲食作諸伎樂而以供養菩薩具足爲其分別四神足事經二月已辭當還去龍王即出髻中寶珠以用奉上因立要誓大士慈心

悲濟羣生其心廣大必至佛道我願爲作神足弟子菩薩可言如汝所願又復問此所與寶珠力能云何龍即答言此珠能雨四千由旬一切所須菩薩自念此珠轉勝雖復殊妙未稱我意諸龍大小送出門外各懷戀恨於是別後轉更前行見一金城其色晃晃甚爲

妙好菩薩往趣見其城外亦七重塗諸塗之中亦滿毒蛇菩薩自念此諸毒蛇亦由前身習毒憎妬慾害盛故受此毒形端坐入慈極加愛念慈心已至毒蛇皆除便前登躡蹈上而過到於城門亦見二龍以身纏城交頭門閭已見菩薩仰頭愕視菩薩如法入于慈定

龍毒得除低頭而視即前躡上度入城中彼時城中亦有龍王處於寶殿遙見菩薩愕然自念我此城外有七重塗滿中毒蛇餘龍夜叉無能越者今此何人能來至此心極奇怪尋下迎問致敬爲禮請令上殿施七寶牀讓之令坐坐已具食種種美味食已徐問所以

來意菩薩答言閻浮提人薄德窮苦勞身役思殺害欺誑爲衣食故具十不善命終之後復墮三劇苦中意甚愍傷思欲救濟承海龍王如意珠故涉遐嶮唯望得此龍王答言如意寶珠此難得物大士故來望當相與若欲得者四月留住受我微供并見教誨菩薩

尋可龍王歡喜日日施設百味上美躬自斟酌奉進甘食亦復勑作種種妓樂菩薩恒爲分別諸法名字本末廣宣其義龍王敬慕專意聽受朝夕問訊不失時節隨時所須龍自裁量諸龍夜叉來欲求現可進可退自立限度奉事四月善知時宜四月已竟菩薩辭去余時其龍即解髻中如意之珠用奉上之因立誓願大士弘誓慈心曠濟悲彼羣生不憚勤勞必能成佛拔濟塗炭願作侍者摶持弟子菩薩許之又復問言所可施珠力能何如龍王答言此珠能雨八千由旬七寶所須菩薩歡喜而自念言閻浮提地七千由旬此珠

盤八

十六

之德副我所望前後所得凡有三珠繫在衣角即起出城諸龍大小送到城外各懷悲戀遂共別去菩薩到前捉珠求願若今實是旃陀摩尼當令我身能飛虛空求願已訖即舉其身徑能飛翔出于海外已渡海難小眠休息是時海中有諸龍輩自共議言我曹海中

唯此三珠其德甚大難有般比此人皆能索得持去可惜此寶當還攝取言議已竟密解持去菩薩眠覺看珠不在即自思惟此中無人必是海龍持我寶去我爲此珠經涉遐嶮今垂還國滿我所願雖取我珠吾終不放會當盡力抒此海水誓心剋志畢命於此若不得珠終不空歸思惟已定即行海邊得一龜甲兩手捉持方欲抒海海神知意來問之曰海水深廣三百三十六万里正使一切人民之類盡來共抒不能使減況汝一身而欲辦此菩薩答言若人至心欲有所作事無不辦我得此寶當用饒益一切羣生以此功德用求佛道我心不懈何以不能是時首陀會天遙見菩薩一身一意獨執勸勞欲用充濟安樂一切我曹云何不往佐助展轉相語來至其所菩薩下器一切諸天盡以天衣同淹水中菩薩出器諸天舉衣棄著餘處一反抒海減四十里二反抒之減八十里三反抒之減

百二十里其龍惶怖來到其所語言止止更莫抒海菩薩尋休龍來問言汝求此寶用作何等菩薩答言欲用給濟一切衆生龍復問言如汝言者我曹海中衆生甚多何以不與必欲得去菩薩答言海中之類亦是衆生然無劇苦如閻浮提人民之類爲錢財故殺害欺誑作十不善死墮三途我以人類解於法化故來索寶先充所乏後以十善而勸誨之龍聞其語出珠還之余時海神見其精進強力所作即作誓言汝今如是精進不休必成佛道我願爲作精進弟子菩薩得珠復更飛去到便先問入海同伴賈客即下在地同伴見之驚喜無量皆共歎言甚奇甚特轉復前行到放鉢城迦毗梨婆羅門聞於菩薩海中吉還歡喜踊躍出迎問訊并請同伴爲設客會辦具種種肴餚飲食訖談叙行路恤耗是時菩薩持其寶珠指歷其家婆羅門家內諸藏悉滿會者覩此歎未曾有時迦毗梨莊

嚴其女若干種寶校飾其身躬手自捉金寶
澡罐先洗自手後牽女臂授與菩薩菩薩爲
受迦毗梨歡喜嚴五百妓女擇取才能工爲
妓者具五百白象衆寶莊校極令奇異用送
其女菩薩勑伴駕乘進路城中大小送到道
次作衆伎樂導從還國大施父母自與兒別

憂結迷憤啼哭過哀其目俱冥盲無所見兒
還到國禮拜問訊父母聞以手摩𢙈余時
審知大施還國悲喜交代窮責其子沒寶無
狀捨我入海困苦我曹微命趣存沒大海中
得何等物菩薩出珠以授父母父母手捉而
自言曰今我藏中如斯石比亦不少也何用
辛苦方乃得此菩薩取珠指父母眼目欵明
淨如風除雲旣還得視心遂欣豫感此珠德
歎言甚奇沒雖辛苦功不唐捐菩薩復捉其
珠而從求願若是旃陀摩尼者使我父母下
自然有七寶竒妙珍異牀座上有嚴淨七寶
大蓋言訖尋成一切皆喜菩薩復更捉珠求

樂六

十六

願令我父母及王臣民一切諸藏皆悉盈滿
即以其珠四向歷訖如語悉滿莫不驚喜即
時遣人乘八千里象告闍浮提一切人民摩
訶闍迦樊海中吉還得如意珠其德殊異却
後七日當令其珠雨於一切珍寶衣食隨人
所須自恣而取皆各齋戒儲俟以待告下遍

已七日頭到大施菩薩沐浴其身著新淨衣
至平坦地即持其珠著高幢頭手執香爐四
方求願闍浮提人貧窮辛苦欲得濟給令無
有乏若當寶是旃陀摩尼便當次第雨衆所
須求願已訖四方陰雨雲即時風起吹諸不
淨瑕穢糞掃皆悉除去次雨微水以淹塵土
次雨飲食百味上美次雨五穀次雨衣服次
雨十寶種種竒珍闍浮提內衆寶積滿人民
之類自恣而取上妙衣食盈溢有餘視諸珍
寶猶如瓦石余時菩薩觀民充足即遣臣吏
四遠告下闍浮提內咸使聞知沒等羣民先
由窮乏求於衣食及諸財寶更相欺誑殺害

極意見利忘義不推罪福命終皆墮三塗之中從冥入冥受罪多劫常相悲憐無由相濟故忘形苦涉嶮入海得此寶珠來用相救汝等既已更無乏短念自剋勵勤修十善攝身口意慈仁孝順精進御意勿懷放逸種種方便廣勑奉善因作文書告諸王臣謄其法誨

十一

咸令聞知更相勸督勿妄爲非尔時一切間浮提內既蒙大恩慈澤霑潤各思何方仰酬至德又蒙優教勑使修善咸皆慕義專習慈敬制身口意不妄犯非命終之後皆得生天如是舍利弗欲知尔時父婆羅門尼拘盧陀者今現我父淨飯王是尔時母者今現我母

形壽爲佛侍者時諸會者聞佛所說感念大恩專心剋勵思惟四諦諸法出要有得須陀洹斯陀含阿那含阿羅漢者有種辟支佛善因緣者有發無上正真道意者有得住不退地者咸共歡喜頂戴奉行

賢愚因緣經卷第八

盤八

痺弱 上尼下耕反 勇悍 下汗音 春靡 上詩容反 貲輸
摩醯 上子下反 择海 上祿與反 貴價 下音譙 喻音 觀眉角
剥 上音梨又音序反 怡躍 上呼音追反 横鐘 上直音 孤梵 下音 劍
恤耗 上音之若反 貸索 上他反 憚徒 旦音反 瞰 音 門閨 下音 告
到音反 儲俟 上音反

賢愚因緣經卷第九

此卷一

元魏沙門慧覺在高昌郡譯

摩訶摩耶是時大施者今我身是銀城中龍者今舍利弗是琉璃城中龍者目捷連是金城中龍者今阿難是時海神者今離越是阿難爲龍王時奉事於我善知時宜乃至今日索自知時阿難欲得此三願者隨從其意阿難聞此歡喜踊躍從座處起長跪白佛當盡

阿難抱持緣品第四十
 如是我聞一時佛在舍衛國祇樹給孤獨園余時諸比丘咸皆生疑賢者阿難本造何行獲此總持聞佛所說一言不失俱往佛所而